



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 20 (12.331)

Баҳоси эркин нарҳда

ПОЙТАХТНИНГ

БИР
КУНИ



Аскар Ёқубов (ЎЗА) олган сурат

Қарор ва ижро

ЎЗБЕКИСТОННИНГ ЭНГ ФАОЛ БАНКЛАРИ

Президентимиз Ислоҳ Каримовнинг 2008 йил 31 октябрда қабул қилинган Қарорига мувофиқ аҳолининг омонатларини жалб қилиш бўйича мамлакатимиз тижорат банклари ўртасида ўтказиб келинаётган танлов молия муассасаларининг бу борадаги фаолиятини кучайтириш ва янада ривожлантиришга хизмат қилмоқда.

Ўзбекистон Республикаси Марказий банки ҳамда Банклар ассоциацияси ҳамкорлигида ўтказилган навбатдаги танловда 29 тижорат банки, қарийб 840 филиал, 4 мингдан зиёд мини-банк ва махсус кассалар иштирок этди.

Ўзбекистон Республикаси Марказий банки раиси Ф.Муллажонов, Олий Мажлис Сенатининг Бюджет ва иқтисодий ислохотлар масалалари қўмитаси раиси А.Алтиев, Ўзбекистон Банклари ассоциацияси раиси С.Абдуллоев ва бошқалар Президентимиз Ислоҳ Каримов раҳнамолигида мамлакатимиз банк тизимида амалга оширилаётган изчил ислохотлар ўзининг юксак самараларини бераётганини алоҳида таъкидлади. Буни аҳолининг омонатга қўйилган маблағлари барча турдаги солиқлардан озод қилингани, уларнинг манбалари

декларация қилинмаслиги ҳамда омонатларнинг тўланиши давлат томонидан кафолатлангани билан боғлиқ имтиёзлар самарасида банклардаги депозитлар ҳажми ошиб бораётгани ҳам кўриш мумкин.

Бугунги кунда мамлакатимиз тижорат банклари миллий ва чет эл валютасида чекланмаган миқдорда икки юз эллиқдан ортиқ омонат турини таклиф этмоқда. Натижада 2012 йилда тижорат банкларидagi аҳоли омонатларининг ҳажми 2011 йилдагига нисбатан 34,6 фоиз ошди.

Танловда тижорат банкларининг 2012 йилда аҳолининг бўш пул маблағларини омонатларга жалб қилиш борасидаги фаолияти 8 асосий ва 11 қўшимча номинация бўйича баҳоланди.

Ўзбекистон Республикаси Ташқи иқтисодий фаолият Миллий банки омонатларни жалб қилиш

бўйича 2012 йилнинг энг яхши банки деб топилди.

Банкимизда 2012 йилда муддатлари икки ойдан бир йилгача бўлган йигирмага яқин янги омонат тури жорий этилди, дейди мазкур банкнинг омонат операциялари бошқармаси бошлиги Отабек Мирзаев. Бунинг самарасида жисмоний шахсларнинг омонат ҳисоб рақамларидаги маблағлар қолдиги 2011 йилнинг шу даврига нисбатан 30,3 фоизга кўпайди. Обод турмуш йилида ҳам миқдорларга кўрсатилаётган хизмат турларимизни кенгайтириб, янада жозибдор омонат турларини жорий этишни режалаштирғанмиз.

«Ўзсаноатқурилишбанк»нинг Сергели тумани филиали, «Халқ банк»нинг Китоб тумани филиали, «Асака» банкнинг Тошкент шаҳар филиали, «Капиталбанк»нинг «Юнусобод» мини-банки, «Микрокредитбанк»нинг Навоий вилоятидаги «Ҳазора» мини-банки, «Туркистонбанк»нинг Тошкент шаҳар ва «Инвест-финанс банк»нинг Тошкент вилояти филиаллари асосий номинациялар бўйича ғолиб чиқди.

Танлов ғолиблари диплом ва қимматбаҳо совғалар билан тақдирланди.

Сайёра ШОЕВА,
ЎЗА муҳбири

Ўзбекистон Республикаси Президенти Ислоҳ Каримовнинг 2012 йилда мамлакатимизни ижтимоий-иқтисодий ривожлантириш яқунлари ҳамда 2013 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисидаги маърузаси АҚШ академик ва ижтимоий доиралари вакиллари ўртасида ҳам ўзининг ижобий акс-саҳосини берди.

«ИЖТИМОЙ СОҲАНИ ЯНАДА РИВОЖЛАНТИРИШ ЎЗБЕКИСТОН БАҲАҚАРОРЛИГИ ВА ГУЛЛАБ-ЯШНАШНИНГ ГАРОВИДИР»

Жумладан, Пенсильвания бизнес мактаби президенти М. О'Брайн мамлакатимиз раҳбарининг мазкур маърузаси ижтимоий-иқтисодий тараққиётнинг ҳар томонлама ва холисона таҳлили билан асосланганини баён қилди. Унинг фикр билдиришича, ялпи ички маҳсулот ўсишининг юқори суръатлари чуқур ўйланган ва вазмин ислохотлар ҳаётга татбиқ этилаётганидан далолат берадики, улар иқтисодиётнинг барча жабҳаларида барқарор ўсувчанликни таъминламоқда.

М. О'Брайн Ўзбекистонда таълим тизimini ривожлантириш давлат сиёсатининг устувор йўналишларидан бири ҳисобланганини алоҳида қайд этди.

Президент Ислоҳ Каримов мамлакат келажига улкан ҳисса қўшмоқда, чунки таълим-тарбия ҳар қандай жамият ижтимоий-иқтисодий ўсиши ва фаровонлигининг асосидир, дейди у. Утган йили халқро конференциянинг иштирокчиси сифатида Ўзбекистонда бўлган чоғимда мамлакатда яратилган таълим моделидан катта таассуротлар орттирдим.

Амалдаги узлуқсиз таълим тизими ўрта касб-унавар ва олий маълумот олиш имконини бериши баробарида малакали касб эгалари ҳамда яхши менежерлар тайёрлашнинг ҳам таъминлайди.

Брайнт университети хузуридаги Халқаро бизнес марказининг етакчи эксперти Ж. Коен қайд этганидек, сарможий сиёсатни фаоллаштириш юзасидан давлат раҳбари томонидан белгиланган вазифаларнинг бажарилиши Ўзбекистоннинг иқтисодий тараққиётига янги туртки беришига шубҳа йўқ. Бунда давлатнинг сарможий

лойиҳаларни барча зарур ишлаб чиқариш инфратузилмалари билан таъминлашга тайёр эканлиги хорижлик сармоядорлар учун муҳим шарт шартларидир.

Шунингдек, америкалик эксперт мамлакат автомобиль йўллари ва темир йўл коммуникациялари тармоғи қурилиши ҳамда таъмирланиши бўйича Ўзбекистон Президенти томонидан белгиланган вазифаларга ҳам эътибор қаратди. У транспорт тизimini модернизациялаш бўйича амалга оширилаётган кенг қамровли лойиҳалар республика минтақаларининг барқарор ривожланишига ҳамда уларнинг хорижлик шериклар билан иқтисодий алоқаларини кенгайтиришга қўмақлашишига қатъий ишонч билдирди.

АҚШ ва Канада Бухоро яхудиёлари конгрессининг президенти Б.Қандов Ўзбекистон раҳбарининг мазкур чиқишига юқори баҳо берар экан, унда мамлакат ижтимоий тараққиёт масалалари давлат сиёсатининг марказига қўйилгани ҳам катта эътиборга сазовор жиҳат эканлигини қайд этди.

Дунёнинг кўпгина мамлакатлари ижтимоий харажатларни қисқартиришга мажбур бўлаётган бир шароитда Ўзбекистоннинг ижтимоий дастурлар бюджет маблағлари ҳисобидан молиялаштирилишини кўпайтиришга бўлган интилиши инсон манфаатининг мамлакат раҳбарлиги учун энг юқори устуворлик эканлигидан далолат беради, деди у. Соғлиқни сақлаш, таълим, иш билан таъминлаш сингари муҳим ижтимоий соҳаларга бўлган доимий эътибор Ўзбекистоннинг барқарорлиги ва гуллаб-яшнаши гаровидир.

«Жаҳон» АА



МАМЛАКАТИМИЗДА

• Андижон қишлоқ хўжалиги институтида Ўзбекистон Республикаси Қишлоқ ва сув хўжалиги вазирлиги, вилоят ҳокимлиги ҳамда Ипакчилик илмий-тадқиқот институти билан ҳамкорликда пиллачиликни ривожлантириш масалаларига бағишланган ўқув-семинар ташкил этилди. Унда ипак курти парваришlash агротехникаси, пилла тайёрлаш ва унга дастлабки ишлов бериш технологияси, шунингдек, тутчиликни ривожлантириш масалалари муҳокама қилинди.

• Навоий шаҳар ҳокимлигида тадбиркорликни қўллаб-қувватлаш, улар фаолиятига ноқонуний аралашувларнинг олдини олиш, баъзи тўсиқ ва камчиликларни бартароф этишга бағишланган тадбир бўлиб ўтди. Унда тадбиркорларга яратилган солиқ имтиёзлари ва ҳисоботларини юритиш қулайликлари батафсил тушунтириб ўтилди.

• Термиз шаҳрида ёш фермерлар учун ўқув-семинар ташкил этилди. Вилоят ҳокимлиги, вилоят прокуратураси, «Камолот» ЁИХ вилоят кенгаши ва бошқа ҳамкор ташкилотлар иштирокида ўтказилган тадбирда асосий эътибор қишлоқ хўжалигини ривожлантиришда ёшларнинг фаол иштирокини таъминлаш масалаларига қаратилди. Унда барча туманлардан ўз ҳамкасблари орасида ташаббускорлиги, интилувчанлиги ва фаолияти билан ажралиб турадиган ёш фермерлар иштирок этди.

ЖАҲОНДА

• Хитойнинг «Huawei» компанияси ўтган йилнинг тўртинчи чорагида смартфонлар сотиш бўйича учинчи ўринга чиқди. Ушбу даврда компания 10,8 миллион донга замонавий мобиль алоқа воситаси сотган ва бу борада фақатгина «Samsung» (Жанубий Корея) ҳамда «Apple» (АҚШ)дан ортиқ қолмоқда. Умуман, «Huawei» жаҳон телекоммуникация бозоридаги мавқеини ушбу мустақамлаб бораёпти. 2012 йилда унинг маҳсулотлар савдосида, яъни дунёнинг аввалги йилдаги савдосининг 33 фоизга ўсиб, 2,47 миллиард долларини ташкил этгани бунга асос бўлди.

• Бразилиянинг Рио-де-Жанейро шаҳридаги тунги клублари қанчалик кўп бўлиши ва қанчалик кўп бўлишидан бирида юз берган ёнгин оқибатида 245 киши ҳаётдан кўз юмди, дейилади «Евроњьюс» телеканали тарқатган хабарда. Фожиа кўнгил очиш масканида мушакбозлик қилингани туфайли келиб чиққан. Уша вақтда клубда икки мингдан ортиқ одам бор эди. Аланга тез тарқалаётганини кўриб, улар саросимага тушишди ва барча бирданига ягона чиқиш эшиги томон ёпирилди. Мутахассисларнинг фикрича, худди мана шу ҳолат, яъни тиклинич курбонлар сонининг ортишига олиб келган. Чунки жуда кўпчилик захарли тутун билан қопланган бино ичида узок вақт туриб қолган. Боз устига, клубдаги ўт ўчириш мосламалари ишламаган. Юз берган аянчли воқеа сабаб Бразилияда уч қулик мотам эълон қилинди.

• Ўтган йилнинг декабрь ойида Франциядаги меҳнат биржасига иш сўраб 300 нафар одам мурожаат қилгани ҳисобга олинганда, мамлакатдаги умумий ишсизлар сони 3,13 миллион кишига етди. Бу меҳнатга лаёқатли аҳолининг 10 фоизини ташкил этади. Таҳлилларга кўра, мамлакатда кетма-кет 20 ойдан бери ишсизлик даражаси кўтарилди, бандлик масаласида охириги 15 йил ичида қузатилмаган салбий ҳолат қайд этилган.

БИЗНИНГ MATIZ — 2012 ЙИЛДА УКРАИНАДАГИ ЭНГ ЯХШИ АВТОМОБИЛЬ

Ўзбекистон мустақиллик йилларида барча соҳаларда эришаётган муваффақиятлари, шу жумладан, автомобилсозлик саноатидаги ютуқлари билан дунёни лол қолдиришда давом этмоқда.

ларнинг ТОП-10 рейтингини тузишган эди. Унга кўра, Matiz бошқа рақобатдошларини катта фарқ билан ортда қолдириб, энг яхши натижага эришган. Масалан, 2012 йил давомида сотилган автомобиллар сони жиҳатидан «Узавтосаноат» компанияси «Эркатойи» қолган уловлардан деярли 200 фоиз кўпроқни ташкил этади.

Украина ҳудудида Matiz автомобилларининг савдосини бу ердаги дилерлар таъминлайди. Ўзбекистон автосоти буйича дастлабки белталик илғорлари Киев, Днепрпетровск, Крим, Донецк ва Одесса шаҳарлари ҳисобланмоқда.

«Туркистон-пресс»

ҚИСҚА САТРАПДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **БУГУН** Ўзбекистон Миллий матбуот марказида «Ўзбекистон

Темир йўллари давлат акциядорлик компаниясининг 2012 йилдаги ижтимоий-иқтисодий ривожланиш яқунлари ҳисоботи ҳамда 2013 йилдаги вазифалари» мавзуида матбуот

анжумани бўлиб ўтди.

✓ **ЭРТАГА** Ўзбекистон Амалий санъат музейида «Обод турмуш йили»га бағишланган кўргазма очилади.

✓ **ЭРТАГА** «Камолот» ЁИХ Чилонзор туман Кенгаши ташаббуси билан туман ҳокимлигида умумтаълим мактаб етакчилари учун «Тубанлик» фильми намойиши ташкил этилади.

